



# 中國地方志集成



廣東府縣志輯②②

民國新修大埔縣志

上海書店 ● 巴蜀書社 ● 江蘇古籍出版社

民國新修大埔縣志

劉 溫  
織 廷  
超 敬  
等  
纂 修



本書三十九卷、首一卷。現據民國三十二年（一九四三）鉛印本影印。

人修信  
像肖之進鄒



此後，政府把稅利都歸於財政部，而稅務上，則將前年平定縣所屬之稅務局改為平定縣稅務局，以資統一。又因平定縣九屬稅利之未歸稅務局，乃平定縣財政長自十七年四月間起，即在向各區派大員赴該區聯合各區長進行徵收，並派員至各區以資之催繳，是以徵收之數，亦頗為可觀。此亦係政府成功實其提倡之力也。

人 修 贊  
像 遺 初 敏 鄒



其行 世評 本志 卷廿 二人 物門

人他她  
像肖英卓羅



人修助  
像遺然忻戴



人 物 助  
像 鑄 匠 晉 藍



民國大埔縣志

民國新修大埔縣志卷首

序  
目錄  
修志職員表  
凡例  
大埔全圖

序

前代之文物典章昔賢之豐功駿烈莫不傳之於史其效用不特可使讀者油然而興起愛羣愛國之熱忱且可使發生創造偉績控制自然改善生活之宏願故謀興國者必由史取法反之致衰邦者亦必由史造因齊襄公復九世之仇春秋大之桀紂罪人亡也忽焉是知多難興邦足資借鏡數典忘祖必致覆車我國史籍遺傳甚古中央與地方各有專書中央史籍昉自尙書其內容除敘述事實寓意褒貶明示善惡以爲人類立身治國之借鑑外復詳數土設州山川物產貢賦制度以爲施政設教之經法實有現代史最優美之含義地方史籍則上紹尙書而濫觴於晉乘楚檣杙及魯春秋分衍爲後世省府州縣志詳列當地境界山川名勝及人物傳記用垂久遠因其敘述之範圍小故記載較中央史籍加詳夙爲觀風問俗導民資治者所重視其重要性視中央史籍實無多讓魯成童受史卽以爲中華民族能張皇先緒歷史弗替者實肇端於史迨弱冠從事革命益致力於史未嘗因事冗少懈忝蒙 國父加以獎許特命從事於三月廿九日革命史及本黨黨史之編纂 國父逝世後益思光大遺命於民國二十一年續主國立中山大學校政時將廣東通志館隸屬於中山大學實際進行地方志之修輯並將編纂工作配合於整個學校之學術研究工作內如關於天文者交諸天文學系關於礦

產者交諸地質學系關於動植物者交諸生物學系關於農產者交諸農學系院之類卽其例也承各同事各同學熱烈贊助全稿均已完成惟以紕於經費故僅在學校經費項下予以撙節撥印一部份列傳餘仍待刊厥後廣州頻遭倭寇侵襲中山大學遷雲南激江未竟全功恆覺疚心邇來大埔人士修輯縣志又以事牽未能躬與其戚比聞縣志已告殺青遠道貽書徵序魯以志同道合樂觀厥成敬綴弁言並進而貢其一得之愚以冀少補前憾竊思我國建國奉國父遺教爲圭臬 國父遺教中之建國大綱則以縣爲自治單位是縣志與政治之關係更形密切從可知矣建國大綱規定縣地方自治之始基以全縣人口調查清楚全縣土地測量完竣全縣警衛辦理妥善四境縱橫之道路修築成功而其人民曾受四權使用之

民國大埔縣志

卷首

序

二

訓練而完畢其國民之義務誓行革命之主義者爲條件故縣志之修纂須配合建國偉業之進行於紹述先哲前徵列叙當地文物外兼將社會方面之人口語言風俗習慣歷史宗教經濟生活及自然方面之地形地質氣候農產礦產工業產品等詳爲記載則地方自治基礎之建立而三民主義國家之完成亦將因之較易廣東爲革命策源地而大埔又魯之故鄉也謹書此以就正於編者對於梓桑文獻倘亦有壤流之助乎故爲之序

中華民國二十二年元旦國民政府委員鄒魯識於重慶復興居

序二

邦國有志昉自周官春秋爲書等諸邑乘今縣城猶古之侯國而方志實史之縮影也舉凡山川文物之資料政教風尚之蛻變筆之於

書麗之以實用以反映社會活動之過程足資地方建設之基準其價值之可珍固無待辭費已第茲事體大厥難有四時代革新資料彌賾孰因孰革則定例難觀點正確質量精審宜古宜今則主編難國難方殷縣政尤劇或作或述則彙稿難物質缺乏費用浩繁毋駁毋忘則付印難故居今而計及縣志寧咄嗟可圖事吾埔故乘缺修有年矣民十八年劉縣長碧根倡新之溫先生丹銘實主之助編及採訪者皆爲邑之耆宿或誠樸之士詎付印未半而倭寇逼侵潮汕淪陷帑帑幾佚賴何君矧堂展轉挾之歸埔時余督師轄北憂切鄉關因馳電李縣長善餘設法採取志稿就其功半而未竟者請羅淑和先生董成之乃克實現所願良爲大幸嗣奉命遠征飛越緬印雖戎機缺掌時復縈懷弗置旋邑之人士以齋厥志事聞余幸其於寇

民國大埔縣志

卷首

序

三

禍蜩翼之會竟獲排衆難而聿觀厥成補周禮方志之闕備異代文款之徵不更視故乘彌可珍乎爰樂而爲之序

中華民國三十一年十一月一日

中國遠征軍第一路司令長官羅卓英撰於印度

序三

縣之有志猶國之有史也其紀載之體例與範圍之廣狹雖不無或異然紀其所當紀之事使後之人徵文考 有所觀感其大旨則同故吾國大小各縣莫不有志經過若干時期卽莫不重修闕繫之重概可知也吾埔縣志始於明嘉靖三十七年爲邑侯吳思立所創厥後續修者有張志宋志蘭志洪志等至清同治癸酉秋復有張公鴻恩之重修迄此次開局修志已五十有五年矣邑人士恐舊志散失

文獻無稽朝代變遷諸多扞格若不急起而圖即有偉大之事業或將湮沒而不彰豈不可惜是以迭次商議決定進行民國十七年鄒君進之任鳳陽關監督貽書吾埔旅汕同鄉會願捐廉五千元以爲修志倡翌年春旅汕同鄉組會籌備歷二月而成局超忝爲總辦所任總分纂及顧問與徵訪等皆吾埔先進學問道德衆所欽崇越明年秋新編纂者大致就緒惟於舊志人物一門經溫總纂博考羣書務求正確增刪潤色慘淡經營未能即時脫稿適廣東通志館聘溫總纂爲編纂住館主持身兼二事稍延時日至廿四年冬志稿始全數殺青遂急籌巨款在汕限期訂印詎抗戰事起時局動搖不惟印務中途停頓即印成之卷帙亦散失過半變生意外莫不慨然幸何君矧堂冒盡艱險始將原稿及所存卷帙運回原籍得以保全中經民國大埔縣志

卷首

序

四

數年受時勢之影響欲續辦而未遑至昨歲羅司令長官尤青提倡續印力任其成即函羅君淑和經理其事當倉皇戎馬間竟能顧念及此其重視邑志之熱誠良堪欽佩茲得地方官紳努力續辦使未成之事得以觀成亦云幸矣溯此志之修前後不覺十餘寒暑超年來爲國家環境所驅使日飄泊於東南西北之間致應辦之事因遭變故不獲貫徹始終此誠既往所深憾者也特自今思之又似有可喜者在焉蓋採訪入志之事於十九年秋停止後吾埔人物若忠烈若仕宦若學位有功於國有名於時足令人欽仰者不知增加幾許如使印務早成在此長期中雖有特出之人物卓絕之事蹟亦必待後數十年之修志始有紀載之可觀茲因遲遲成書之故乃得重新調查詳細補入爲邑志增無數之光榮豈非大可喜之事乎嗚呼橫

覽全球風雲則極端變幻返觀吾邑志乘則相慶完成希望從今以後韓江茶額間縣封永盛俾斯志之流傳與天地無終極豈不懿歟是爲序

中華民國三十一年七月歷任饒平大埔縣長劉織超謹識

序四

志書者一地文獻之所寄所以記載疆域沿革名勝古蹟險要交通物產水利人物風俗之書也郡縣有志國省亦莫不有志雖範圍之廣狹記事之體例容有不同而所以察山川之形勢考政治之得失覘人文之興替明風俗之盛衰俾後之人得以稽往知來有所懲勸則一也大埔居韓江上游人物冠潮郡有清同治間張侯鴻恩攝邑篆稱其山葱蘢以巍峨其水清激以揚波其人崇禮義敦教化街備

民國大埔縣志

卷首

序

五

榮卒罔不知書（見舊志張鴻恩序語）故在昔科舉時代科第簪纓龍驤鵠起迨新學己興教育之盛窮鄉僻壤絃誦不絕晚近十年進展尤速若縣立一中之一再擴充學子日衆虎山公學之規模宏大甲於東江以及百侯大麻高陂三河各中學亦莫不孜孜求進不甘自畫是以人材輩出稱盛一時此蓋埔人濯磨自喜之風氣使然（嘉慶洪志洪侯先燾序文有潮之屬土瘠賦薄莫如埔濯磨自喜亦莫如埔語）其由來舊矣余於二十八年春來宰是邦簿書之暇嘗留心邑中文化而於文獻攷闕之志書尤加致意因悉縣志之修自明嘉靖戊午至清同治癸酉三百一十五年中已經六次民十入復在汕設局重修民廿五付印因抗戰軍興中途停頓深以功虧一簣爲憾職責所在決慶續辦理以竟全功乃一面派員接收志稿及

在汕印就之一部份志書運回縣府保管一面設法籌款進行編印  
會遠征軍羅司令長官卓英自賴馳書敦促並介紹羅君淑和負編  
輯（未完稿）訂印校對之責去年一月五日全縣糧食治安會議  
復通過由本縣救濟會撥借五萬元為印刷費負責得人經費有着  
工作遂順利開展其中除仕宦遊學等表重新調查黨務門搜集增  
編（均至三十年代止）並增加選舉表人物傳多篇（如陳烈士  
文褒傳等）及光復北伐剿赤抗日諸役陣亡將士姓名外為省時  
省事計餘均照原稿付梓至於護日印成之本亦用以備徵不復重  
印雖前後紙張不同未能劃一然已省人力物力且表此志之成受  
盡磨折而彌足珍貴尤具重大意義是志也始於十八年夏迄于三  
十二年春歷時十餘稔飽經國家擾攘人事變遷卒能全部撰就  
民國大埔縣志 卷首 序 六

諸梨棗與邑內外人士相見不可謂非幸事而提倡諸賢慘淡經營  
之苦心與全邑人士熱烈殷切之期望亦庶幾不致辜負也已

中華民國三十二年春月大埔縣長李善餘撰

### 序五

一切之決定在人故先哲嘗言為政在人得人則興吾埔自明嘉靖  
間建縣以來代有堅貞特立之士挺拔卓犖之才發文事而奮武功  
故雖稱小邑夙為嶺表名區 國父提倡革命邑之志士追隨舉義  
者頗多其裔居海外輸財響應及捨身為主義而奮鬥而犧牲者更  
衆黨國先進鄒海濱先生暨黃花崗七十二烈士中之陳文震其最  
著者也抗戰軍興羅吳二長官膺黨國之重寄與倭寇轉戰於大江  
南北屢建殊勳而羅長官更奉命率遠征軍遙赴緬甸與英美盟邦

並肩作戰消滅倭寇開中華二百年來之新史頁尤足為吾邑之光  
同時邑中俊傑在全國各戰區充任將校者達三百餘人其為尉為  
士為佐屬為兵伏在前線在後方參加抗建大業者則又成千累萬  
此種精神豈特邑乘之光正氣磅礴實足與山河並壽日月爭輝也  
博平前線歸來長校於虎山公學者五年今春奉命出長邑政赴任  
之初糧食恐慌達於極點米每石價值五千元以上一般物價隨之  
飛漲因是人心惶惶匪盜蠢動幾有不可終日之勢乃廢寢忘食亟  
籌救治之術對於復荒則以開源塞流管制平賣諸辦法統之對於  
匪盜則以隔絕封鎖剿撫兼施諸辦法臨之所幸方針既定計畫隨  
之官民合作羣策羣力閱三月而粮價以平匪盜以熄茲者局勢漸  
定正宜從事縣政之積極工作最低限度對於健全基層完成自治  
民國大埔縣志 卷首 序 七

增加生產充裕民食普及教育發揚正氣組訓民衆衛鄉保國之管  
養教衛四大任務必須計畫實行以期樹立民治及建國之根基尤  
有進者吾埔山多田少農林業務當別謀改進外更宜注重工業之  
創設江蘇南通一窮邑耳因張季直先生之提倡工業未十載而境  
內烟囪林立成為江北工業重鎮有為者亦若是 國父不云乎革  
命事業莫難於破壞莫易於建設 總裁昭示吾人我們對於建設  
必須以革命與抗戰同樣的精神同樣的手段來進行謹於縣志新  
刊之日略述過去現在邑人奮鬥之精神與夫吾人今後應努力邁  
進之途徑敬希我三十萬民衆共起圖之夫豈文事武功已哉  
中華民國三十二年十二月一日水利節大埔縣長羅博平敬識

修志職員表

倡修 鄭進之

董修 鄭敏初

助修 戴忻然 藍音臣 羅卓英

董修 劉織超 李善餘 羅博平

總辦 劉織超

會辦 郭慨如 蕭惠南

分辦 溫廷敬

分辦 曾籍雅 范貞士 丘星五 錢熱儒

整編 羅淑和

顧問 李谷生 鄭哀臣

特訪員 溫秀儒

訪員 饒泰升 林英三 張文華 陳頌唐

訪員 羅杏村 楊瓊石 郭仙裁 羅淑和

訪員 黃斐珊(泰越) 何矧堂(汕頭)

會計 何矧堂

校對 羅淑和

書記 蔡智文

繪圖 何矧堂

捐修 楊虎臣 楊富臣 范其務 鄭愛孚

捐修 吉隆坡茶陽會館 黃天民 劉織超

按捐款酬贈辦法凡捐國幣伍百元以上者一律  
題名卷端以上七名合此辦法故題名於此其餘  
捐款人姓名另刊徵信錄內

### 凡例

一近代志乘之有法者大抵可分爲二種一爲文章家之作朝邑武功二志開其先而魯通父之邳州清河繼之一爲考據家之作謝阮廣西廣東二通志創其始而後來作志者多法之章氏實齋復以史法言修志雖間有一二未易行而孤懷閱識近代無兩茲編取法謝阮語皆徵實事詳出處而于魯氏之講求義法章氏之力爭上流亦均有取焉

一志乘編次亦大抵可分二種一以體分表略錄傳取法史裁一以事類傳表志錄不嫌互廁近日江蘇新定通志目錄亦以事類茲編沿用其例取便觀覽不必更泥史裁

一江蘇通志目錄斟酌時宜新舊並重明令屬內各縣修志大致宜

民國大埔縣志

卷首

凡例

十

依此着手其不需要門類及特殊關係仍許隨時損益而內政部函轉各省則謂不必強其從同茲編以天文一門邑中無甚可紀故併入地理營建興廢宜詳故仍列一門內政等四門及軍備水工縣事不及省事之繁故併爲經政物產農工商業併爲民生職官官績有關吏治故仍列一門科目仕宦亦言人物者所必及宋潛說友臨安志進士表即入人物門故改附人物凡此皆因事制宜並非立異識者諒之

一舊日志乘天文必語災祥地志侈言星野近來明達之士已知闕之矣而里數方向未憑實測山川雜舉不詳脈絡蓋由專家之學未明非盡作者之過歐化輸入學術日新非前人所目覩茲編于此等類不憚改作或加辨正必求正確詳明

一志乘雖僅一地方之述作而承先啓後責任綦重蛻舊壇新折衷非易茲編于舊制之因革損益新法之選擇推行要在詳其原委俾得知其利弊如教育交通民生人羣四門皆前志所未有尤于斯致意而人羣中之氏族方言二類氏族不徒紀現在之各族且兼載前此湮沒之各族方言不徒紀今日之語言且推溯古代變化之語言俾知變遷遞嬗之由盛衰淘汰之故考古即以明今于閱者不無小補焉

一人物一門舊日志乘拘于地志之體豐功偉績潛德幽光皆約束于盈寸之節畧而稱許之間漫無區別文字之體尤不可通或如應酬庸語或如案牘文移泛填排偶之辭間雜帖括之句循名按實開卷茫然（約舉章實齋文史通義語）章氏已感譏之矣茲

民國大埔縣志

卷首

凡例

十一

編于人物之確有可紀而舊志簡畧者必廣蒐博采務求事實完備且不徒摭拾鉅釘要在融會貫串敘述合法神采如生以資讀者之流連激發其有足爲史書辨正發明者尤不憚求詳至於子弟榮貴表及父兄鄉人請托濫登庸行黃茆白草一望皆同雖未便刪削或量爲歸併或改入附表其實爲名流事實無考者止得視此婦女節烈無事實者亦同此例庶稍清耳目藉免膚濫

一明代撰述地名官名出身皆喜從古有乖體例茲編所採一律改正又出身紀年于年號之下但稱甲子不標年數遂使閱者茫然莫知何歲考之正史唐宋及明皆無此例欲求古雅反同啞謎茲于所紀甲子俱改爲某年俾一目瞭然不必再勞繹檢

一志乘紀載無微不至地志引書註明出處宋潛說友臨安志已開

此例吾粵黃佐廣州人物傳歐大任百越先賢志于每傳下皆注明據某某書參修其意最善及清代阮元修國史儒林傳遂集各私家碑志狀傳採錄爲一傳不加點竄偏注出處有同集句之體謝氏修廣西志阮氏修廣東志皆沿其例于所採悉仍原文附注所出處而不作固足矯正庸妄惟于地名官名出身亦復沿原書不改以致有乖義法且亦不免拾鉅釘之累陸心源湖州府志雖用阮體間有效黃歐二家融會剪裁不逐段注明出處但於篇末注據某某修或云某書參某書茲編于所採原書不加改竄者（惟地名等不在此例）則末僅注某書而已或有兼採他書亦間逐段注明其融會剪裁者則注據某某參修於述作之意兼重庶免偏執之譏

一吾邑舊志吳思立志不傳外張變任志亦佚僅見洪志藝文所載之六小序及附引一二條宋嗣京志清學部圖書館目尚存鈔本四卷聞吾邑藏者其闕正同蘭壩志亦有藏者聞體例尚不及洪先燾志洪志亦多蕪雜疎漏錯誤張鴻恩志已云續修乃不自爲書每門攙入洪志之後淆亂已甚茲于宋嗣二志尚未借得所據者僅洪張二志原出洪志者本當注云洪志惟以洪志舊志已非人所易見而實包在張志之內故概注云舊志不更別爲洪張也至胡周二府志則簡云胡志周志阮通志則簡云阮志

一章實錄有言聚衆修書立監置紀尤當考定篇章覆審文字某紀某書編之誰氏某表某傳撰自何人乃使讀者察其臆慮而定其是非庶幾涇渭離淆消滯可辨末流之弊猶特隄防唐宋諸家訖

無事錄遂使經生帖括詞賦雕蟲並得啁啾班馬之堂攘臂汗青之業其於合衆修書不署名之害痛哉言之陸心源歸安縣志于各門後皆自署己名吾師柳介先生修光緒嘉應州志于各門分纂總纂之初輯復輯皆各署名蓋本此意本局諸同人皆一時通才斷不至如章氏所譏然爲負專責及各見所長起見一律署名且願海內之合衆修志者共明此例

目錄

卷首

序 修志職員表 凡例 目錄 大埔全圖

卷第一

地理志一 沿革 境界 晷度(附星野) 氣候

卷第二

地理志二 鄉村上(附戶口)

卷第三

地理志三 鄉村下(附戶口)

卷第四

地理志四 山川 險隘 勝蹟(附塋墓)

民國大埔縣志

卷首

目錄

十四

卷第五

營建志 城池 廨署 獄舍 壇廟 寺觀 坊表

卷第六

經政志上 官制 區畫 田賦(附屯田改賦) 徭役

鹽課 雜賦 捐稅 地方收入

卷第七

經政志下 經費(附地方行政機關經費) 倉儲 救恤

兵防 水工 自治 團保 黨務

卷第八

教育志 儒學 書院 社學 官學 義學 教育局

教育會 學校(中學小學女學師範)

社會教育(講約 鄉飲 報章 宣講所)  
閱報社 戲劇

卷第九

交通志 道路(附涼亭) 津渡 橋樑 航運 郵電(附

驛鋪考)

卷第十

民生志上 農田 水利 物產 林礦 工藝 貿易(附

市集)

卷第十一

民生志下 殖外

卷第十二

民國大埔縣志

卷首

目錄

十五

人羣志一 氏族

卷第十三

人羣志二 禮俗

卷第十四

人羣志三 方言

卷第十五

人羣志四 謠諺

卷第十六

人羣志五 公圖 宗教(缺)

卷第十七

職官志 職官表(知縣 推檢 教諭 訓導 巡檢

典史 協理 總兵 游擊 守備 千總

把總 一名宦傳 附錄

卷第十八

人物志一 列傳一(未開邑前人物 宋 元 明)

卷第十九

人物志二 列傳二(明)

卷第二十

人物志三 列傳三(清上)

卷第二十一

人物志四 列傳四(清下)

卷第二十二

民國大埔縣志 目錄 卷首 十六

人物志五 列傳五(民國)

卷第二十三

人物志六 列傳六(仕績上)

卷第二十四

人物志七 列傳七(仕績下)

卷第二十五

人物志八 列傳八 儒行

卷第二十六

人物志九 列傳九 文苑(附藝術附醫)

卷第二十七

人物志十 列傳十 忠烈(附死難義勇) 革命黨人

卷第二十八

人物志十一 列傳十一 首德

卷第二十九

人物志十二 列傳十二 守友 義行

卷第三十

人物志十三 列傳十三 列女 方外

卷第三十一

人物志十四 列女表

卷第三十二

人物志十五 科目表 仕宦表

卷第三十三

民國大埔縣志 目錄 卷首 十七

人物志十六 封蔭表 壽民表

卷第三十四

人物志十七 游學學位表 選舉表

卷第三十五

藝文志 書目

卷第三十六

金石志 金石

卷第三十七

大事志上 元 明

卷第三十八

大事志下 清 民國

民國新修大埔縣志卷第一

地理志一

分纂錢熱儲輯纂

總纂溫廷敬訂正

沿革

舊志沿革僅列一庚種聚按諸縣志原委出處皆付缺如今特先將舊志沿革考證後所發表并於考證於後

唐虞三代

唐虞三代大埔為揚州南裔地至周末有百粵之名志

禹貢淮海惟揚州自淮而南至海則大埔地包括在其中 漢書

秦徙中縣之民與百粵雜處所謂百粵者亦作百越蓋因古者江

浙閩粵之地為越族所居如閩粵在福建南粵在廣東

又太平寰宇記潮州古閩越地 是大埔在百粵之內

民國大埔縣志 卷一 地理志

廷敬案歐陽忞輿地廣記謂潮州同時為七閩地與太平寰宇記

謂古閩越地同較百粵說為長

秦

始皇三十三年遣任囂趙佗擊平南越分其地為桂林象郡南海置

揭陽縣屬南海郡大埔即揭陽地志

太平寰宇記潮州古閩越地秦屬南海郡秦末屬尉佗 通鑑秦

始皇三十三年以謫徙民五十萬人戍五嶺與越雜處 裴淵廣

州記秦戍五嶺其一為揭陽 漢書地理志云南海郡縣六曰番

禺曰博羅曰中宿曰龍川曰四會曰揭陽阮通志引其文於揭陽

下注云今潮州全境嘉應州平遠鎮平地 是大埔地併隸揭陽

也

漢

秦敗趙佗據南海郡自稱南越王 漢武帝元鼎六年征南越揭陽

縣史定歸附仍揭陽屬南海郡統於交趾漢書交州部刺史建安

改漢八年屬交州牧十八年屬荊州牧志

潮州府志東越王餘善無諸之孫越王勾踐苗裔也建安六年殺

兄鄧降漢立為東越王元鼎四年戊辰南越王相呂嘉為亂五年

己巳秋遣將軍路博德將兵擊之餘善請以卒入千人從樓船將

軍由海道擊嘉舟次揭陽以風波為辭陰持兩端 史定仕南越

趙氏為揭陽令漢元鼎六年樓船將軍楊僕伏波將軍路博德破

越斬其相呂嘉蒼梧王趙光及史定聞漢兵至皆降漢封為安道

侯戶六百以上二則并據漢書

民國大埔縣志 卷一 地理志

寰宇記潮州屬南海郡東漢因之

續漢書百官志注引獻帝起居注云建安十八年三月省州併郡

復禹貢之九州省交州以其郡屬荊州

三國吳

吳黃武五年以南海郡屬廣州 吳南海郡無揭陽縣時為縣民曾

夏等所據舊志南海郡屬廣州

三國志吳主傳云黃武五年分交州置廣州俄復舊永安七年復

分交州置廣州

晉書地理志黃武五年割南海蒼梧鬱林三郡立廣州交趾日南

九真合浦四郡為交州戴良為刺史值亂不得入呂岱擊平之復

還併交州永安七年復以前三郡為廣州

廷敬案據上二則觀之是南海未割以前屬交州已割以後屬廣

州舊志云析置廬陵南部都尉揭陽屬焉改隸揚州阮通志不取

其說故光緒海陽縣志嘉應州志皆從之辨證見後

晉

晉初立海陽縣即舊揭陽縣地 成帝咸和元年分南海為東官郡

以海陽地分綏安等三縣 安帝義熙九年分東官郡海陽等四縣

為義安郡宋書州郡志

晉書地理志南海郡秦置成帝分南海立東官郡安帝分東官立

義安郡屬廣州

舊志太康三年以揭陽隸南康郡光緒嘉應州志云南海郡所屬

揭陽漢以後不見至趙宋始復立於潮州晉書地理志所云南康

民國大埔縣志 卷一 地理志

郡統縣五一揭陽此南康之揭陽無與於南海之揭陽也劉志謂

晉置南康郡以揭陽為縣屬則嘉應州之舊地當屬南康今考宋

書州郡志南康公相晉武帝太康三年立領縣七一破陽又曰破

陽男相吳立曰揭陽晉武帝太康五年以西康揭陽移治故破陽

縣改曰破縣又嘉應州志曰圖志破陽縣即今甯都之石城縣

此可見其非南海之揭陽也王志引贛州志張尚瑗云晉書南康

郡有揭陽無甯都并無破陽而宋書則以破陽即揭陽今甯都尚

有破陽鄉然則揭陽即破陽無疑舊志誤以為南海之揭陽今不

取 又引寰宇記曰海陽縣晉立郡於此 據上說細考則當時

南海郡之揭陽實未嘗隸南康郡詳見後辨証

廷敬案舊志安帝隆安元年分東官郡立義安郡考宋書州郡志

元和郡國志皆作義熙九年寰宇記引南越志則作八年舊志所云不知何據

以東官五營立義招縣即大埔地屬義安郡

舊志卷方  
明紀要

阮通志義招舊縣今潮州大埔縣地

輿地紀勝潮州古蹟義招縣下引南越志云義安郡有義招縣昔

流人營也義熙九年立為縣永和元年移上郡之西

引延平郡志  
上字實作准

方輿紀要義招廢縣治在今縣南之湖寮村

又舊志謂義招為今程鄉大埔二縣地潮州府志同嘉應州王志

亦謂嘉應州宋為義招縣屬惟光緒嘉應州志云義招或廢或立

具有明文並無割義招地為程鄉之說並引輿地紀勝於梅州程

鄉縣下引元和志云齊置程鄉縣蓋分海陽縣立焉證明嘉應州

民國大埔縣志 卷一 地理志

四

非屬義招縣其說較確據此則義招縣為完全大埔縣地

宋

仍義招縣屬義安郡

志

宋書州郡志義安郡領縣五海陽綏安海甯潮陽義招

齊

仍義招縣屬義安郡時義安郡增置程鄉共領六縣

志

梁

仍義招縣屬義安郡

武帝普通四年以義安郡置

志今改  
東揚州

尋改為瀛州

志

陳

仍義招縣屬瀛州 武帝永定中廢瀛州仍置義安郡

志

隋

初仍義招縣屬義安郡 開皇九年省義安郡置潮州 大業三年

罷州為義安郡改義招為萬川縣

舊志  
卷方

元和志開皇十年罷義安郡於郡廢置義安縣以屬循州

志今

一年於義安縣立潮州以潮水往復為名大業三年罷州為義安

郡唐武帝四年復為潮州管縣三

唐

高祖武德四年改義安郡復為潮州省萬川縣入海陽縣 時潮州

屬江南道玄宗開元十二年屬福建經略使三十二年改屬嶺南道

天寶元年復隸福建九年還隸嶺南咸通三年屬嶺南東道

志

廣東通志潮州潮陽郡太宗貞觀元年遷隸江南玄宗開元二十

民國大埔縣志 卷一 地理志 五

二年置福建經略使隸福建天寶元年改隸嶺南觀此與舊志畧

有出入

五代

南

仍海陽縣時潮州屬南漢

志

宋

仍海陽縣至道三年以潮州屬廣南東路

志

元

仍海陽縣至元十七年置潮州路

志

元史地理志潮州路元至元十五年歸附十六年改為總管府以

孟招討鎮守未幾移鎮漳州土豪各據其地二十一年廣東道宣

慰使月的迷失以兵來招諭二十三年復為江西等處行樞密副

使兼廣東道宣慰使以鎮之

潮州府志長汀涂某以鹽徒來神泉村於茶山下築城聚衆號曰涂寨自稱侍郎據上杭金豐三饒程鄉之地私徵賦稅傳弟涂僑盤踞二十餘年至元二十一年甲申安撫使月的迷失討平之廷敬案據此則大埔當時爲涂僑所據且據時不在至元十六年以後而在宋末時

明

洪武二年改潮州路爲潮州府 成化十四年析海陽入都置饒平縣 嘉靖五年析饒平縣置清遠二都置大埔縣

初饒平建邑後猶以潯洲清遠二都遠饒治輸賦維艱且峒民時作梗嘉靖四年巡撫熊蘭疏請置縣五年建大埔縣都二編圖二

民國大埔縣志

卷一

地理志

六

十

明史地理志潮州府大埔嘉靖五年以饒平縣大埔村置析潯洲清遠二都益之 廷敬案大埔得名以此今在城甲尙有大埔上下村

楊燦烈邑名音義攷云邑曷爲以大埔名蓋俗呼有水宜稻者曰田呼平曠高原僅宜果菰蔬麻者曰埔有俗音而無字蓋卽圃也俗亦曰壩有字有音而非其義又譌作填有字而音義並乖是故埔者俗音俗字字書尙未補收者也其稱大奈何曰此據前事言之也自萬曆間小靖溪徙榻崗水嚙遂舉昔年沃壤盡爲河伯所有而當夫未建邑之初汀水合東門際水繞茶山東隅橫亘山趾西注大靖溪流故自茶山之麓彌望平原無慮數十百頃地埔固

塊莽矣哉大埔之名俗所由稱也當時建斯邑者卽以斯名名邑

云

清

乾隆三年析海陽豐政都置豐順縣時又析清遠都之白芒畚箭竹洋下畚子腹風吹礫青麻園六處地以益豐順

附表

| 朝代  | 名目  | 統屬    | 附注  |
|-----|-----|-------|-----|
| 秦   | 揭陽  | 南海郡   |     |
| 漢   | 揭陽  | 交州南海郡 |     |
| 三國吳 | 揭陽  | 縣民曾夏據 |     |
| 晉   | 東官營 | 廣州    | 東官營 |

民國大埔縣志

卷一

地理志

七

|         |         |         |         |         |         |         |         |
|---------|---------|---------|---------|---------|---------|---------|---------|
| 宋       | 五代南漢    | 唐       | 隋       | 陳       | 梁       | 齊       | 宋       |
| 海陽縣光德鄉  | 海陽縣     | 海陽縣     | 萬川縣     | 義招縣     | 義招縣     | 義招縣     | 義招縣     |
| 廣南東路潮州  | 潮州      | 潮州      | 義安郡     | 義安郡     | 義安郡     | 義安郡     | 義安郡     |
| 海陽縣曰光德鄉 | 海陽縣曰光德鄉 | 海陽縣曰光德鄉 | 海陽縣曰光德鄉 | 海陽縣曰光德鄉 | 海陽縣曰光德鄉 | 海陽縣曰光德鄉 | 海陽縣曰光德鄉 |